

GOBIERNO DE NAVARRA

HACIENDA Y POLÍTICA FINANCIERA

PRESIDENCIA, FUNCIÓN PÚBLICA,
INTERIOR Y JUSTICIARELACIONES CIUDADANAS E
INSTITUCIONALES

EDUCACION

SALUD

CULTURA, DEPORTE Y JUVENTUD

DERECHOS SOCIALES

DESARROLLO ECONÓMICO

SEGURIDAD Y EMERGENCIAS

DESARROLLO RURAL,
ADMINISTRACIÓN LOCAL Y MEDIO
AMBIENTE

Abandonatutako txakurren kopurua % 76 jaitsi da Nafarroan azken hamarkadan

Animaliak Babesteko Zentroan 433 txakur jaso ziren iaz, 1.801 duela hamar urte

Lunes, 17 de agosto de 2015

Abandonatutako txakurren kopurua nabarmen jaisten ari da Nafarroan azken urteotan. Nafarroako Osasun Publikoaren eta Lan Osasunaren Institutuak emandako datuen arabera, iaz 433 txakur jaso ziren Etxauriko Animaliak Babesteko Zentroan; 2005ean, berriz, 1.801 jaso ziren, hau da, % 76 murriztu da.



Abandonatutako txakur-kopuruak behera egin du.

Beheranzko joera argi hori azken hamar urte hauetan egiaztatzen ari da. Izan ere, 2011 arte jasotako txakurren kopurua milatik gora izaten zen beti, eta 2.000ra ere heldu zen; 2007an, zehazki, 1.961.

Nolanahi ere, azken bost urteotan ez dira mila baino txakur gehiago jaso, eta 2015ean, ziur asko, jaitsiera handiena gertatuko da, uztailean arte 186 baino ez baitira jaso.

Jaitsiera garrantzitsu horrek egiaztatzen du egin diren kontzientziazio-kanpainak eraginkorrak direla, eta animalia horiekiko dagoen erantzukizuna nahiz sentsibilitatea gero eta handiagoa dela. Kanpaina horiek Etxauriko Zentroak (Nafarroako Osasun Publikoaren eta Lan Osasunaren Institutuaren mende dago eta lehiaketa bidez Nagusiak kudeatzen du) eta animaliak babesteko elkarteek egin dituzte. Ikerketa batzuen arabera, txakurrak abandonatzeko arrazoi ohikoenak faktore ekonomikoa, izan nahi ez diren umealdiak, ehiza-denboraldiaren amaiera, animaliarekiko eta haren jokabidearekiko interesa galtzea... dira.

Hildako txakur-kopuruaren jaitsiera

Aipatu behar da hiltzen diren txakur-kopurua ere jaitsi egin dela eta, hala, iaz ez zen bat bera ere hiltzeko beharrik izan. Zenbait arrazoiengatik, sendaezinak diren gaixotasunak izateagatik edo animaliak duen sufrimendu onartezinagatik, kasu batzuetan hil beharra daude.

Alderdi horretan ere, Nafarroako Osasun Publikoaren eta Lan Osasunaren Institutuak jasotako datuak oso adierazgarriak dira; izan ere,

2007an 1.079 txakur hil ziren, eta 2014an, ez zen bat bera ere hil; 2013an, berriz, 3 baino ez.

Erdietsitako emaitza positiboak agerian geratzen dira ere Etxauriko Animaliak Babesteko Zentroan adoptatutako txakur-kopuruari erreparatuz gero. Iaz 494 txakur adopzioan eman ziren, hau da, jasotako 522 txakurren % 94,6. Nolanahi ere, duela hamar urte bakarrik % 39,3 bakarrik ematen zen adopzioan: jasotako 1.801 txakurren artetik, 708 adoptatu ziren.